



Širom svijeta World Vision nastavlja djelovati sa ciljem zaustavljanja širenja pandemije COVID-19 i ublažavanja njenih posljedica kroz 4 područja :

CILJ 1



Intenziviranje preventivnih mjera kako bi se ograničilo širenje bolesti

CILJ 2



Jačanje zdravstvenih sistema i zdravstvenih radnika

CILJ 3



Podrška djeci na koju utječe COVID-19 kroz obrazovanje, zaštitu djece, hranu i sredstva za život

CILJ 4



Saradnja i zagovaranje kako bi osigurali zaštitu djece

Proljeće je u BiH obilježeno smanjenjem broja inficiranih virusom korona, u odnosu na prvi kvartal 2021. godine. SZO je odobrila upotrebu vakcina protiv bolesti COVID-19. Prve vakcine dostupne su i u BiH, ali u malim količinama, te su mjere fizičkog distanciranja i nošenja maski prilikom kretanja u javnom prostoru još uvijek najefikasniji metod u borbi protiv širenja virusa. Ograničeno kretanje i ograničen rad poslovnih subjekata u određenim djelatnostima ostavile su posljedice na bh. ekonomiju, zbog čega je veliki broj ljudi ostao bez posla. Svjesni poteškoća koje je ranjivim kategorijama u BiH donijela kriza izazvana globalnom pandemijom COVID-19, World Vision BiH ranjivim kategorijama kontinuirano distribuira pakete podrške. Pored toga, World Vision BiH je intenzivirao aktivnosti usmjerene na ekonomski oporavak pogodjenih porodica u područjima gdje djelujemo. Sve programske aktivnosti World Vision BiH obavlja u skladu sa epidemiološkim mjerama, te nastavlja raditi na podizanju javne svijesti o ozbiljnosti bolesti i važnosti pridržavanja preventivnih mjera.

Ekonomsko osnaživanje domaćinstava



Obezbjedili smo sjemeza proljetnu sjetvu za 170 porodica u različitim zajednicama u BiH. Sjemeza su namijenjena porodicama koje imaju mogućnost bavljenja poljoprivredom, a kojima proizvodnja vlastite hrane obezbjeđuje značajan poticaj kućnom budžetu.

World Vision BiH je sa općinama Goražde i Pale potpisao ugovor o sufinansiranju i nabavci 32 plastenika sa sistemom za navodnjavanje. Plastenici su namijenjeni socijalno ugroženim porodicama koje imaju mogućnost bavljenja poljoprivredom. Naše iskustvo pokazuje da ovakve inicijative doprinose ekonomskom osnaživanju ranjivih porodica.



Centar za djecu i mlade u Kalesiji



Nastavljamo raditi na razvoju omladinskih centara širom BiH. Sa Općinom Kalesija smo potpisali Memorandum o saradnji i potvrdili zajedničku opredijeljenost za pružanje podrške Centru za razvoj djece i mladih na području ove općine, u čije opremanje smo zajednički uložili 90 000 KM.



Očuvanje prirodnih resursa

U aprilu se obilježava Dan planete Zemlje, te smo podržali djecu i mlade u namjeri da daju svoj doprinos u očuvanju jedinog doma za sve nas. Posadili smo 800 sadnica drveća na 15 lokacija širom BiH. Drveće u naseljenim mjestima posebno je važno jer umanjuje zagađenje i uklanja ugljen dioksid iz vazduha, umanjuje oticanje kišnice, te smanjuje brzinu vjetra i temperaturu.

Pod okriljem regionalnog projekta Prevencija trgovine ljudima na Zapadnom Balkanu i podrška žrtvama, organizirali smo susret ključnih aktera u borbi protiv trgovine ljudima na Zapadnom Balkanu. U nastojanju da se unaprijedi uloga mobilnih timova za identifikaciju, aktivan doprinos diskusiji i kreiranju seta preporuka dali su predstavnici nadležnih vladinih institucija, pružaoca usluga iz relevantnih sektora, te nevladine organizacije aktivne u ovom domenu iz BiH, Crne Gore,

Kosova i Republike Srbije. Sveobuhvatnu podršku projektu pruža Njemačko društvo za međunarodnu saradnju (GIZ) koje djeluje u ime Njemačkog saveznog ministarstva za ekonomsku saradnju i razvoj (BMZ).

BUDI ČUVAR DJEČIJIH SNOVA

Doniraj za obrazovanje i sretnije djetinjstvo najranjivije djece u BiH i osiguraj im šansu za bolju budućnost.

Više informacija i uplate donacija na: www.worldvision.ba



Podrška djeci i porodicama u pokretu

Na Dan planete Zemlje smo pokrenuli čišćenje kampova Ušivak i Blažuj i sadnju proljetnog cvijeća. Djeca su učestvovala u ekološkim radionicama i uljepšavanju prostora u kojem borave. Aktivnost smo organizirali u saradnji sa Internacionalnom organizacijom za migracije u BiH, a podržali su nas i prijatelji Njemačko društvo za međunarodnu saradnju (GIZ) koje djeluje u ime Njemačkog saveznog ministarstva za ekonomsku saradnju i razvoj (BMZ).



Sigurno školsko okruženje

U sklopu projekta Sigurno školsko okruženje smo u 10 škola u kojima se provode aktivnosti organizirali radionice na temu sigurnosti u školama i kreirali radne grupe za umanjenje rizika (DRR). Aktivnosti unapređenja sigurnosti u školama dio su zajedničkog programa "Smanjenje rizika od katastrofa za održivi razvoj u Bosni i Hercegovini", koji finansiraju Vlada Švicarske i Ujedinjenje nacije (UN), a provode agencije: UNDP, UNICEF, UNESCO, UNFPA i FAO.



Borba protiv trgovine ljudima



World Vision
BOSNA I HERCEGOVINA

NJIHOVI SNOVI
TREBAJU NAŠU PODRŠKU.